



KOMUNIKADU IMPRENSA

FUNDU MINA-RAI RELATÓRIU TRIMESTRÁL DA-ULUK (Q1) 2025

Lei Fundu Mina-Rai estipula katak Ministériu Finansas maka estabelese estratéjia investimentu no Banco Central de Timor-Leste maka halo jestaun operacional ba investimentu.

Nuneé, Banco Central de Timor-Leste (BCTL) lansa Relatóriu Trimestrál Fundu Mina-Rai Timór-Leste nian ba trimestre da-uluk 2025 ne'ebé termina iha loron 31 fulan Marsu. Relatóriu ne'e hatudu katak kapitál/Balansu Fundu Mina-Rai nian iha trimestre ne'e maka biliaun \$18,25, kompara ho billiaun \$18,27 iha trimestre da-hát 2024 nian.

Relatóriu ne'e mós hatudu katak totál reseitas neébe simu iha trimestre ne'e hamutuk tokon \$6,2 no rendimentu bruto husi investimentu hamutuk tokon \$226,65, kompostu husi kupaun/funan no dividendu ne'ebé simu hamutuk tokon \$133,71 no mudansa iha valór merkadu nian hamutuk tokon \$92,94. Nunée, rendimentu ba karteira Fundu Mina-Rai husi merkadu finanseiru maka 1,19%, kompara ho nia sasukat (*benchmark*) 0,96%.

Iha trimestre ida neé, total osan neébe dada/sai husi Fundu Mina-Rai hamutuk tokon \$254,03, neébe tokon \$250 transfere ba Konta Tezouru atu finansia Orsamentu Estadu no tokon \$4,03 hodi selu kustu jestaun investimentu.

Desde estabesimentu Fundu Mina-Rai, total reseitas aproximadamente biliaun \$25,25 total returnu husi investimentu iha merkadu finanseiru hamutuk billiaun \$10,48 ho média returnu anual 4.41%, no total levantamentu hodi finansia Orsamentu Estadu hamutuk billiaun \$17,66.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 5 Maiu 2025

BCTL

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)